

REZIME AKTIVNOSTI TOKOM 2020. GODINE

Godina iza nas je u mnogome bila obilježena globalnom pandemijom COVID-19. Uprkos svim izazovima uzrokovanim pandemijom, kompanija Eastern Mining se prilagodila novonastaloj situaciji i uspjela zabilježiti veoma pozitivne poslovne rezultate tokom prethodne godine. Poduzimajući konkretne mjere prevencije radi zaštite naših uposlenika, organizovali smo redovna testiranja na COVID-19, koja se sprovode i danas uz poštivanje svih epidemioloških preporuka. U vrijeme kada su mnoge kompanije suočene sa krizom, otpuštale svoje radnike pa čak se i zatvarale, kompanija Eastern Mining je u prethodnoj godini udvostručila broj zaposlenih, dostigavši brojku od 45 aktivno uposlenih osoba. Sredinom godine sjedište kompanije je iz Sarajeva premješteno u Vareš, u želji da u budućnosti benefite Projekta na direktnan način najbolje osjeti lokalno stanovništvo na području općine Vareš. Ovaj potez se ogleda i u činjenici da je saradnja sa lokalnom zajednicom dostigla jedan izrazito visoki nivo.




Odjel za okoliš i socijalno upravljanje

S ciljem implementacije Internacionale studije o uticaju na okoliš i društvo (ESIA) koja je urađena prema najboljim svjetskim standardima, početkom godine Eastern Mining d.o.o. osniva Odjel za okoliš i socijalno upravljanje. Cilj Odjela je sprovođenje navedene studije. U okviru Studije, područja koja se nalaze pod direktnim utjecajem Projekta su podvrgnuta različitim ispitivanjima koja se tiču aspekata društva, kulturnog i historijskog naslijeđa, saobraćaja, kvalitete vode, zraka, terena, biodiverziteta, geochemije, hidrogeologije, mjerjenja buke i uzorkovanja tla. Transparentan odnos sa lokalnom zajednicom uspostavljen je osnivanjem Odbora za odnose sa lokalnom zajednicom (PLC), nezavisnog tijela, koje okuplja predstavnike mjesnih zajednica na koje Projekt ima direktni uticaj, nevladinih organizacija, predstavnike najznačajnijih institucija sa područja općine Vareš i općine Kakanj.



Društvena odgovornost

Kao društveno odgovorna kompanija, Eastern Mining je i tokom 2020. godine podržao mnoge kulturne i sportske događaje, te aktivnosti od društvenog značaja. U mjesecu maju, naša kompanija je investirala finansijska sredstva za radove na rekonstrukciji lokalnih puteva Bare, u selu Pogar – Raskrije Duboštica i saobraćajnice Vijadukt Vareš – Višnjići, koja vodi prema selima Pržići, Daštansko i Višnjići. Uz saradnju MZ Borovica i Općine Vareš učestvovali smo u sufinansiranju rekonstrukcije puteva prema selu Borovica.



Podršku smo obezbijedili kroz sponzorski ugovor i za NK Vareš - prepoznavajući njihove potrebe. Već dugi niz godina podržavamo i kulturne manifestacije na području općine Vareš, poput Međunarodne likovne kolonije Borovica koja se održava svake godine.



Izražena potreba za dezinfekcijskim sredstvima koja se ukazala na samom početku pandemije COVID-19, potakla nas je da doniramo dezinfekcioni tunel i znatne količine dezinfekcione tečnosti ka JU Dom zdravlja Vareš. Mješovitoj srednjoj školi Nordbat 2 Vareš donirana su sredstva za dezinfekciju, maske kao i beskontaktni infracrveni termometar. Osnovnoj školi u Varešu donirana su sredstva za dezinfekciju i zaštitne maske da bi stvorili sigurnije uvjete za početak nove školske godine. Krajem 2020. godine smo započeli sa procesom registracije Adriatic fondacije, čiji će krajnji cilj biti podrška i dugoročna dobrobit lokalne zajednice.



REZIME AKTIVNOSTI TOKOM 2020. GODINE

Geološka istraživanja

Intenzivna geološka istraživanja su započeta još u aprilu 2017. godine. Tako je tokom 2020. godine zabilježeno izvođenje 52 istražne bušotine ukupne dužine koja je iznosila 14.585 metara. Pored istražnih bušenja, izvedena su različita prethodna ispitivanja, među kojima su:

- geofizička ispitivanja metodama IP i gravimetrijska ispitivanja
- uzorkovanja tla radi geoхemijskih ispitivanja tla
- izvršeno je Aero-foto snimanje odobrenog koncesionog prostora LIDAR metodom
- montirane i puštene u rad dvije portabilne meteorološke stanice na lokalitetima Tisovci i Rupice
- izrada geotehničkih bušotina i raskopa u krugu kompanije na Tisovcima zbog utvrđivanja kvaliteta stijenske mase za izgradnju postrojenja

Uporedno sa geološkim istraživanjima radilo se i na pripremi niza drugih studija, poput Preliminarne studije izvodljivosti (PFS), koja je završena u novembru 2020. godine, opravdajući veliki potencijal Projekta Vareš. Uporedno sa pripremom Preliminarne studije izvodljivosti, radilo se na izradi brojnih izvještaja, programa, projekata, studija i elaborata, a sve u skladu sa zakonskim obavezama prema institucijama naše države.



Ishodovane dozvole

U mjesecu januaru kompanija Eastern Mining d.o.o. je potpisala Aneks 4 Ugovora o koncesiji sa Ministarstvom privrede ZDK kojim se pored cinka, olova i barita, odobravaju istraživanje i eksploatacija pratećih plemenitih metala. U cilju otvaranja rudnika, a prateći pozitivne zakonske propise naše države, kompanija je tokom godine ishodovala brojne dozvole, odobrenja i saglasnosti radeći paralelno sa svim nivoima vlasti u Bosni i Hercegovini. Za lokaciju Veovača I, Tisovci I i Veovača II ishodovali smo sljedeće dozvole i saglasnosti:

- Odluka o preliminarnoj vodnoj saglasnosti - Okolinske dozvole;
- sanacija i zatvaranje starog pogona bivšeg rudnika
- obnova pogona eksploatacije i prerade rude
- Urbanističke dozvole;
- Urbanistička saglasnost za uklanjanje građevina, na lokalitetu Veovača I - Tisovci
- Urbanistička saglasnost za površinsku eksploataciju i izgradnju novog postrojenja i pogona Rudnika olova, cinka i barita na lokalitetu Veovaca I
- Tri prethodne vodne saglasnosti za eksploataciju
- Dozvola za eksploataciju.

Kada je u pitanju lokacija Rupice-Juraševac-Brestić, trenutno smo u postupku ishodovanja okolišne dozvole. Prethodne vodne saglasnosti su ishodovane, te očekujemo da će se predmetni postupak okončati u februaru 2021. godine, nakon čega ćemo započeti postupak ishodovanja prve urbanističke dozvole a potom i dozvole za eksploataciju. U narednom periodu pred nama su novi izazovi ali se nadamo da će nas uz ulaganja i požrtvovan rad kompanije, lokalna zajednica i nadležni prepoznati kao pouzdane partneri i učiniti nam sve procese lakšim i jednostavnijim omogućivši nam da što prije dođemo do faze otvaranja rudnika.

Art Colony Borovica

Priliku da ponovo svoj doprinos damo ka razvoju kulture i umjetnosti na području općine Vareš imali smo u Radničkom domu – Centru za kulturu u Varešu, gdje su predstavnici naše kompanije prisustvovali otvorenju završne izložbe u sklopu 6. Međunarodne likovne kolonije (Art Colony) Borovica. Na izložbi su predstavljeni grafički radovi s ovogodišnje Likovne kolonije i završni rad u okviru Canvas Trip, putujućeg platna. Kompanija Eastern Mining je ovom prilikom dobila čast da joj se od strane organizatora Art Colony Borovica izrazi zahvalnost za kompletan doprinos koji je dala, u smislu finansijske podrške pri organiziranju ove manifestacije, koja se održava svake godine. Izvršni direktor naše kompanije, Adnan Teletović je u ime kompanije primio zahvalnicu u vidu grafičke mape. Međunarodna likovna kolonija Borovica se tradicionalno održava svake godine, počevši od 2015. godine. Prilika je to da se istaknu i predstave radovi mnogobrojnih umjetnika iz Bosne i Hercegovine, te naglasi značaj kulturno-historijskih znamenitosti na području općine Vareš. ART Colony Borovica je neizostavni dio kulture Vareša i Bosne i Hercegovine, koji se želi razvijati kao neovisno kulturno i društveno središte na prostorima šire regije, odredivši se kao "Umjetnost za promjene".



INTERVJU SA MLAĐENOM GAVRANOM



Želim da Vam se zahvalim na Vašem izdvojenom vremenu i tome što ćete govoriti za naš Eastern Mining bilten o svom iskustvu i zaposlenju, a koji je u sklopu projekta "Living history project". Za početak recite nam nešto više o sebi?

Ja sam Mladen Gavran, u periodu od 1985. godine bio sam uposlen na poziciji flotera u Energoinvestovom Rudniku olova, cinka i barita, sve do prestanka njegovog rada početkom 90.-ih.

Šta je bio Vaš prvi posao?

Moje prvo radno ikustvo se veže upravo za Energoinvest i već spomenuti Rudnik olova, cinka i barita u kojem sam radio na radnom mjestu flotera. Uloga flotera je tada inače predstavljala važnu funkciju u procesu oplemenjivanja mineralnih sirovina i ujedno sa sobom nosila veliku odgovornost za uspješan razvoj posla.

Koliko je ljudi bilo zaposleno u sektoru u kojem ste Vi bili zaposleni?

Moj sektor se sastojao od četiri flotacije, dok sam ja radio u kolektivnoj, u kojoj se odvajao kolektivni koncentrat tj. olovo i cink od barita. Nas četvoro je radio u smjeni, a raspoređivali smo se po obimu i prirodi posla. Mislim da je ukupan broj osoba koje su radile na procesu flotacije iznosio oko 200, dok je u cijelokupnom Rudniku bilo zaposleno oko 400 radnika.

Već ste spomenuli da je u Rudniku tada radio oko 400 osoba, da li je neko od članova Vaše porodice ili rodbine radio u rudniku?

Glavni inženjer u Rudniku, a poslije i šef flotacije je bio moj tata, koji je inače studije završio u Beogradu. Bio je zadužen na poslovima pripreme mineralnih sirovina. Imao sam sreću da smo u isto vrijeme radili skupa, stoga sam imao priliku da dosta naučim od njega o poslu za koji sam bio zadužen.

Vjerujte da iako vam je tata šef na poslu koji obavljate, za svaku vašu neodgovornost se ipak ne ustručava odbiti vam dnevnicu od plate, naročito pri izostancima na posao, koji su mi se ponekad znali potkrasti. Naš izgovor je tada bio da smo ipak mlađi, željni života, te da je normalno da ponekad ne dolazimo redovno na posao.

U vremenu kada ste Vi radili u Rudniku olova, cinka i barita da li je bilo zaposlenih žena?

Naravno da je bilo zaposlenih žena, koje su bile itekako zastupljene u firmi, naročito u direkciji, proizvodnji, laboratoriji, komercijalni i građevinskom odjelu.

Šta Vam se najviše sviđalo u Vašem poslu zbog čega ste voljeli da radite?

Prije svega moram istaći da sam svoj posao počeo raditi silom prilika nakon što sam izgubio godinu na fakultetu, to me primoralo da potražim posao. U to vrijeme apetit za radnom snagom u Odjelu proizvodnje Rudnika olova, cinka i barita je rastao, što je predstavljalo odličnu priliku za mene koju sam na kraju i dobio. Međutim, moja radna sredina se sastojala od mlađih ljudi, vrhunske raje uz koju čovjek na kraju zavoli svoj posao i sa radošću ga svakodnevno obavlja. Posao koji sam obavljao mi je bio vrlo interesantan, zahtijevao je kontinuirani rad, kreativnost, prilagođavanje i učenje, jer flotacija predstavlja jedan živi organizam. Žao mi je bilo što je Rudnik prestao sa radom u momentu kada smo svi dobili osjećaj da smo se uhodali i naučili posao na pravi način.

Kada pogledate na život nekad i sad, na području općine Vareš, možete li napraviti poređenje?

Ilustraciju tadašnjeg vremena u odnosu na ovu danas Vam najbolje mogu prikazati na primjeru vareške autobuske stanice u centru grada. U prijašnje vrijeme autobuska stanica je ujutro bila krcata ljudi koji polaze na rad u prvu smjenu, dok to danas ne možemo zamisliti. Živjelo je tada u Varešu puno više ljudi, većina ih je bila zaposlena, stoga je Vareš stojao vrlo dobro finansijski iz razloga što se sav novac trošio ovdje.

Kako je Vareš izgledao na vrhuncu svoje moći u doba kada je radio Rudnik olova, cinka i barita?

U gradu se tada desila tzv. lančana reakcija, što podrazumijeva rast firme, uslužnih djelatnosti i zaposlenih, što se nadovezivalo na samu ekonomiju grada, gdje jedno na kraju vuče drugo.

Kada su Rudnik i Željezara radili, je li se polagalo dovoljno računa o zaštiti okoliša i poštivanju tadašnjih zakona te oblasti?

Smatram da to tada i nije bilo baš idealno, te da se nije polagalo dovoljno računa o zaštiti okoliša, dok su se na drugoj strani tadašnji zakoni iz te oblasti poštivali. Na primjer naša rijeka Stavnja, koja protiče kroz Vareš je u to vrijeme bila jako zamućena.

Imate li neku poruku za mlade ljudе koji tek počinju graditi svoje karijere?

Pa mišljenja sam da ako aktivnosti krenu, naročito što se tiče kompanije iz koje vi dolazite da imaju nadu da ovdje traže zaposlenje i da imajući to u vidu toplo preporučujem da trebaju ostati kod kuće. Mislim da se ljudi iz Vareša ponovo mogu ostvariti na polju rудarstva uz datu priliku, koju trenutno predstavlja Vaša kompanija.

Hvala Vam na Vašem izdvojenom vremenu uz nadu da će se ova saradnja i dalje nastaviti i unaprijedivati?

Hvala i Vama što ste mene izabrali za intervju. Čast mi je bila da sa nekim podijelim priču o tadašnjem vremenu i kako je to sve skupa izgledalo.

DONACIJE

Naša kompanija novu godinu je započela darivanjem. Odlučili smo se da finansijska sredstva u iznosu od 30.000 KM doniramo u humanitarne svrhe ka onima kojima je to najpotrebnije. Priliku da učestvjuju pri odabiru onih kojima će određena sredstva ići imali su svi uposlenici kompanije Eastern Mining, koji su na kraju dali svoje prijedloge. Nakon prikupljenih prijedloga i donošenja konačne odluke odabrane su sljedeće institucije/organizacije kojima će donacije biti uručene:

- Humanitarno – karitativna organizacija "Kruh svetog Ante" Franjevačke provincije Bosne Srebrenе; Iznos donacije: 5.000,00 KM za kupovinu hrane i troškove grijanja prostorija kuhinje u Varešu, kako bi Pućka kuhinja u Varešu imala adekvatne uslove za rad te kako bi podržali njen angažman u društvu; obzirom da na dnevnoj bazi Kuhinja obezbijedi 120 obroka za one koji to sebi nisu u stanju priuštiti.
- Ustanova za prihvat i odgoj djece „Mala škola“ Vareš; (Ustanovi je doniran jedan laptop i jedan računar. Vrijednost ove donacije je 2.500,00 KM).
- JU „Dom-porodica“ Zenica; (Iznos donacije: Ustanovi su donirana novčana sredstva u iznosu od 5.000,00 KM, čime će se osigurati osnovne potrebe i uvjeti za uspješan nastavak rada ove javne ustanove).
- Fondacija/zaklada za obnovu i razvoj regije Vareš; (Fondaciji su donirana novčana sredstva u iznosu od 1.500,00 KM za podršku projekta izdavanja prigodne poštanske marke sa BH poštom na temu 130. obljetnice Željezare u Varešu kao najstarije željezare na Balkanu i ovom dijelu Evrope).
- Javna ustanova centar za socijalni rad Vareš; (Ustanovi je donirano 38 paketa pomoći - hrana i osnovne higijenske potrepštine - u iznosu od po 100,00 KM/paket. Dakle ukupna vrijednost donacije je 3.800,00 KM. Paketi su podjeljeni kategoriji socijalno ugroženih ljudi na području Općine Vareš, a prema evidenciji Centra za socijalni rad).
- Crveni križ Općine Vareš; (Ustanovi je donirano 50 paketa pomoći - hrana i osnovne higijenske potrepštine - u iznosu od po 100,00 KM/paket. Ukupna vrijednost donacije je 5.000,00 KM. Paketi su podjeljeni ugroženim licima koji se nalaze na evidenciji Crvenog križa Vareš).
- Karate klub „VAREŠ“ iz Vareša; (Udruženju su donirana novčana sredstva u iznosu od 3.000,00 KM za nabavku kompleta trenerki za članove kluba).
- Udruženje odred izviđača „Zvijezda“ Vareš; (Udruženju su donirana novčana sredstva u iznosu od 1.000,00 KM za podršku i realizaciju planiranih aktivnosti Udruženja).
- Mjesne zajednice; (Mjesnim zajednicama Donja Borovica, Pržići i Daštansko je donirano po 1.000,00 KM, za pomoći i podršku radu mjesne zajednice). Kao društveno odgovorna kompanija nastojimo izgraditi što bolji odnos sa lokalnom zajednicom i stanovništvom. Da želimo biti primjer kompanije koja uvažava mišljenja i ima sluha za potrebe lokalne zajednice, naročito socijalno ugroženih kategorija pokazuje upravo čin donacija sredstava. Nadamo se da će odlična saradnja naše kompanije sa lokalnom zajednicom i podrška socijalno ugroženim kategorijama nastaviti i u budućnosti.

